



Avtale om praktisering av fråværsreglement ved sjukdom hjå elevar ved Sogndal vidaregåande skule

Avtalepartar:

- **Sogndal kommune ved Sogndal legesenter/legevakt og skulehelsetenesta ved Sogndal vidaregåande skule**
- **Skuleleiinga ved Sogndal vidaregåande skule**
- **Elevrådsstyret ved Sogndal vidaregåande skule**

Regjeringa har frå skuleåret 2016/2017 innført fråværsgrense på maksimalt 10% udokumentert fråvær. I særskilte tilfelle kan rektor godkjenne inntil 15% fråvær. Fråværs grensa er innført for å hindre skulk i vidaregåande skule.

Mange elevar er forståeleg nok urolige for å ikkje få karakterar dersom ein av ulike grunnar er vekke frå skulen. Både elevar, foreldre, skule og legar opplever allereie ved starten av skuleåret eit press for å få dokumentert alt fråvær.

Det presiserast at alt fråvær, som før, blir ført på vitnemålet anten det er dokumentert eller ikkje. Dokumentasjon er difor kun nødvendig dersom ein har hatt så mykje fråvær at ein risikerer å miste karakter.

Fråværs grensa på 10% omfattar mellom anna eigenmelding ved akutt sjukdom.

Denne avtalen gjeld fråvær som skuldast akutt sjukdom og avtalepartane er einige om følgjande;

- Ved ukomplisert sjukdom som går over av seg sjølv og som ikkje treng legevurdering, som til dømes forkjølelse, influensa og omgangssjuke, skal det i utgangspunktet nyttast eigenmelding.
- Eigenmelding kan nyttast i inntil 3 påfølgjande dagar per sjukdomstilfelle.
- Når eleven er sjuk må han eller ho gi melding om dette til kontaktlærar på sms eller melding i skulearena.
- Dersom eleven er sjuk med ukomplisert sjukdom i meir enn 3 dagar samanhengjande kan han eller ho bestille time ved legevakta i Sogndal for legevurdering og legeerklæring frå og med dag 4.



Sogn og Fjordane fylkeskommune Sogndal vidaregåande skule

- For å få legeerklæring må eleven dokumentere 3 dagars fråvær med melding frå lærar (sms eller melding i skulearena).
- Dersom eleven har fått varsel om at han eller ho nærmar seg 10% fråvær kan han eller ho bestille time på legevakta i Sogndal for legevurdering og legeerklæring frå første sjukdomsdag. Varsel må dokumenterast til legen.
- Kronisk sjukdom eller utgrieing for uavklart sjukdom fell utanfor desse føringane.
- Ta kontakt med skulen dersom noko er uklart.

Me vil presisere at det er viktig at ein unngår å spreie smittsomme sjukdommar som influensa og omgangssjuke. Det viktigaste smitteverntiltaket mot slike sjukdommar er god håndhygiene.

Dersom du blir akutt sjuk er det faktisk betre både for deg sjølv og for andre at du er heime til du blir frisk.

Dersom du har fråvær som kan skuldast psykisk sjukdom oppfordrar me til å ta kontakt med skulehelsesøster eller lege for å få hjelp.

Vårt mål er at alle elevar ved Sogndal vidaregåande skule skal komme igjennom vidaregåande skule med gyldig vitnemål på normert tid og bli godt kvalifiserte for arbeidsliv eller vidare utdanning.

Sogndal, 09.09.2016

Marta Sofie Vange
Rektor

Tor Arne Hov
Adm. leiar

Sofie Sundberg
Elevrådsleiar

Linda Habbestad Skorve
Skulehelsesøster

Kristine Kalland
Skulelege

Jan Ove Tryti
Kommuneoverlege